

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta:

Broj akta:

Gračanica, . godine

Na osnovu člana 13. stav 1. tačka c. Zakona o pripadnosti javnih prihoda u Federaciji BiH („Službene novine Federacije BiH“, broj: 22/2006, 43/2008, 74/2008 - odluka US, 22/2009, 35/2014, 94/2015 i 17/2022), člana 7. Zakona o pripadnosti javnih prihoda na području Tuzlanskog kantona i finansiranju Tuzlanskog kantona („Službene novine TK“, broj: 12/05, 8/06 i 5/09) i člana 16. Statuta Grada Gračanica („Sl. glasnik Grada Gračanica“, broj: 1/23), Gradsko vijeće Gračanica, na sjednici održanoj dana . 2024. godine, d o n o s i

ODLUKU
o izmjeni i dopuni odluke o administrativnim taksama

Član 1.

U Odluci o administrativnim taksama Grada Gračanica („Službeni glasnik Grada Gračanica“ broj: 01/23) u dijelu Tarifa administrativnih taksi, tarifni broj 6. mijenja se i glasi:

“Za sklapanje braka:

1. Radnim danom za vrijeme radnog vremena plaća se taksa u iznosu od 10 KM
2. Radnim danom poslije radnog vremena, subotom i nedjeljom plaća se taksa...50 KM
3. Van prostorija u kojima se obavlja vjenčanje, plaća se taksa u iznosu200 KM
4. Za vjenčanje stranih državljana van prostorija u kojima se obavlja vjenčanje plaća se taksa u iznosu od.....300 KM
5. Za vjenčanje stranih državljana u službenim prostorijama plaća se taksa u iznosu 200 KM
6. Lica koja nemaju ni boravište, ni prebivalište na području grada Gračanica plaćaju posebnu taksu uvećanu za 50%.”

Član 2.

Odluka stupa na snagu danom objavljivanja u «Službenom glasniku Grada Gračanica»

PREDSJEDAVAJUĆI
GRADSKOG VIJEĆA
Mirzet Topčagić

OBRAZLOŽENJE

PRAVNI OSNOV

Pravni osnov za donošenje Odluke je:

Član 13. stav 1. tačka c. Zakona o pripadnosti javnih prihoda u Federaciji BiH („Službene novine Federacije BiH“, broj: 22/2006, 43/2008, 74/2008 - odluka US, 22/2009, 35/2014, 94/2015 i 17/2022) kojim je propisana nadležnost Gradskog vijeća za donošenje propisa kojima se utvrđuje visina, novčanih kazni i taksi u nadležnosti jedinica lokalne samouprave.

Nadležnost Gradskog vijeća proizilazi iz člana 16. Statuta Grada Gračanica („Sl. glasnik Grada Gračanica“, broj: 1/23), kojim je propisana nadležnost Gradskog vijeća, između ostalog i da donosi propise o porezima, taksama, naknadama i doprinosima Grada u skladu sa zakonom.

RAZLOZI DONOŠENJA

Povod za donošenje Odluke je inicijativa vijećnika Osmana Sulejmanovića, a koji je inicijativom tražio da se umanje ili ukinu takse za sklapanje braka.

Obzirom na materijalne i druge troškove postupka Gradonačelnik je prihvatio inicijativu, te predlaže Odluke u drugačijim iznosima, kojim ne bi doveli u pitanje troškove po Budžet Grada Gračanica.

OBRAZLOŽENJE PREDLOŽENIH IZMJENA I DOPUNA

Ovom Odlukom predviđene su izmjene i dopune Odluke o administrativnim taksama Grada Gračanica („Službeni glasnik Grada Gračanica“ broj: 01/23) u tarifnom broju. 6. i to smanjenja taksi propisanih za sklapanje braka. Izmjene tarifa se odnose na sljedeće : za sklapanje braka radnim danom za vrijeme radnog vremena plaća se taksa u iznosu od 10 KM, umjesto dosadašnjih 15 KM. Radnim danom poslije radnog vremena, subotom i nedjeljom plaća se taksa u iznosu od 50 KM umjesto dosadašnje takse od 80 KM. Za sklapanje braka van prostorija u kojima se obavlja vjenčanje, plaća se taksa u iznosu od 200 KM umjesto dosadašnjih 300 KM.

Za vjenčanje stranih državljana umjesto dosadašnje takse od 300 KM , predlaže se da se plaća taksa za vjenčanje van službenih prostorija u iznosu od 300 KM, a za vjenčanja u službenim prostorijama 200 KM .

Izvod iz ranije odluke:

Tarifni br. 6.

Za sklapanje braka:

1. Radnim danom za vrijeme radnog vremena plaća se taksa u iznosu od15 KM
2. Radnim danom poslije radnog vremena, subotom i nedjeljom plaća se taksa80 KM
3. Van prostorija u kojima se obavlja vjenčanje, plaća se taksa u iznosu od.....300 KM
4. Za vjenčanje stranih državljana plaća se taksa u iznosu od300 KM
5. Lica koja nemaju ni boravište, ni prebivalište na području grada Gračanica plaćaju posebnu taksu uvećanu za 50%.